

Mawkouhtawin
Kenawawpaschikawtaywin
La zhawnsree di Kenadawa
sa Weechiwawhkoostouwin
Wayashtaywin



Impact Assessment
Agency of Canada

Agence d'évaluation
d'impact du Canada

Canada

La taeb di Mawachistawina

NAKISHKAMOUHTAWIN	4
AYISHCHIKATAYWIN	5
LA VEU	6
OOHIN KAT LI SHMAEN	7
Yahkikistawin Kwayashkwaychikaywin Wawhkoostouwina	7
Rispay poor Tipayistamoowin pi Kishkayistamowin Pimipayihtawina	9
Mishawpayin Indigene Neekawneewin didawn Mawkouhtawin	
Kenawawpaschikawtaywina	11
Oushtawniwun Kishshinahamakaywin, Ashwayistamoowin pi Akishoowin	12
PIMOUSTATAWIN	14
ITOUTAYMAKUNOUWINA	14
NASHPITAWKAWNIWUN	14

Pakitinawniwun Zhaen 26 2024

ISBN: En106-271/2024Crg-PDF

978-0-660-73218-3

Nakishkamouhtawin

Ooma Weechiwawhkoostouwin Wayashtaywin (Wayashtaywin) si aykwawnima aen parapleu kishkinoustahiwaywin li dokumawn poor ooma Mawkouhtawin Kenawawpaschikawtaywin La zhawnsree di Kenadaw (La zhawnsree) chi-pishkayistahk see koucheewina chi-anawan weechiwawhkoostouwin avek Indigene Li moond. Ooma Wayashtaywin si aykwawnima nawshpichi li dokumawn aykwawnima chi-ahkikin kaw-ati-neekawnouhtayahk ishi neeshouhkamakaywin avek Indigene Li moond pi kootakak en partineuz. Awta ooma weestamakaywin awpachistow tout sort si rarw ay-itwaywina, tapishkoot Indigene en bawnd, mamowitouwin , pi en partineuz, namoo itayimoowin akwawnima pikou, pi chikee, pawsci li tawn, ayiwawkes nishtouhtamoohiwaywin didawn peekishkwawtamoowin avek Indigene Li moond, keeshpin natawayistakwun.

Ayishchikataywin

Nishtawinumoo win mawkouhtawin shakouchihiwaywin kaw-kee-pimoustaymakuhk, pi ahkamay pimoustaymakun, didawn kee-ishipimawchihounawniwun, li polichik, parmi li moond, pi kitimawkishoowin koucihikawshouwina di Indigene Li moond, ooki Li Gouvarnimaw di Kenadaw kee- mawchistow weechiwawhkoostouwin pamikaywin avek Li Promyee Nawsyoon, aen Niskimoo, pi aen Michif Li moond. Poor ooma La zhawnsree, itwaymakun nishtawinumoo win ooma li vayritee ouschi Kenadaw sa shakouchihiwaywin sa pawsee pi ahkamay aykwa anima ouschi ishpayin, pi atoushkaywin tayhkay ouhpimaen ashtawin sa ishkoushikana ouschi lee koonploon, pamikaywina, pi ishi mamitounayistamoowin. Pawsci peekishkwawtamoo win weechiwawhkoostouwin, pikou ishi shaytoutamahk tou lee zhoor kitatoushkaynaw. Ooma natawayistakwun kishkaystamoowin, ahkamaymouwin, kee-ishipimawchihounawniwun kashkistowin, pi kischitaymoowin, mawchistawin avek kaw-shapookishkayistumwak neekawneewin pi pimichiwun shawpou kahkiyuw en rizhyoon di mamowitouw in.

Ooma La Vayritee pi Weechiwawhkoostouwin Peehkishkwayshtamakaywin, didawn sa monimawn 2015 ripor, [L'onoer La Vayritee, Nayihtamoowin poor Li tawn ki vyayn](#), nakishkam weechiwawhkoostouwin ishi ahkamay pamikaywin kaw-oushtahk oushtahk pi kenawayschikawtayk pwulisoon wawhkoostouwina. Mamawohkamawkawwuk nishtoustamoohiwayw tawnsheeshi ooma [Tooroon Not Grawn Piyee la Nawsyoon chi Weestamakaywin didawn Li Drway di Indigene Li moond](#) (UN Weestamakaywin) miyeu-mekiw si nissisayr si li praensipal, kishkinowawpastahiwaywina pi li standard poor weechiwawhkoostouwin chi-miyou-ahkikin didawn neekawnihk Kenadaw. Ooma La zhawnsree si aykwawnima tipayimow chimawchistat kahkiyuw atoushkaywina ishi toutemouwin aykwawnima daen rawn ahstayw avek muwnayshkawkaywina pi l'ispree ouschi UN Weestamakaywin, pi chi-kayschinahow aykwawnima lee drway d' Indigene Li moond aykwawnihi kaw-ripek shawpou la federal mawkouhtawin kenawawpaschikawtaywina.

Ooma La zhawnsree sa la vayritee pi weechiwawhkoostouwin wayaezh aykwawnima avek ahkamaymouwin ishi ispray itouchikaywin aykwawnima kaw-pishkapahtuhk Li Gouvarnimaw di Kenadaw sa ashoutamakaywin ishi oushkayiwun nawsyoon-ishi-nawsyoon, li gouvarnimaw-ishi-li gouvarnimaw, pi aen Kischee-Li Promyee Niskimoo wawhkoostouwina. Ooma La zhawnsree ahkamay miyo-weechihiwaywin ashpinae kinwaysh ouschi atoushkaywin avek Indigene Li moond, didawn sa paminihawina, koonploon ahkikiwin, aen tawd d'arzhawn paminikaywina, neu tretee marwshihkaywin, pi ahkamay zaenproovmawn ishi Kischee-Li Promyee peekishkwawtamoo win pamikaywina. Itouchikaymakunoowin nawut miyeu nishtoostamoowin ouschi ayimihikoowina di la promyaenr nakatoohkataywina pi tawnsheeshi chinakatoukawchikawtaykihk oohin ayimihikoowina. Awta kaw-pimoustatahk ooma Weechiwawhkoostouwin Wayashtaywin noukwun iyikouhk muwnayshkawkaywina, ayiwawk ashpaymoutoutawin kaw-pakooshayimooyak aykwawnima chipayshawkwun parmi Indigene Li moond chi-takoochik didawn la lway di piyii pi kwayaskwascikewina pimipayihtawina poor la promyaenr nakatoohkataywina didawn Kenadaw si aykwawnima iyikouhk kwayashkwaychikaywin pi si rawr yakhkouhtaywin ishi kashkihowin weechiwawhkoostouwin pakoshayimoowina.

La veu

Ooma La zhawnsree sa veu chi-kishkinohtahikawtayw ouschi kat li shmaen kiko nawtamouwayw ooma La zhawnsree sa neekawnayihtamoowina poor anawan la vayritee pi weechiwawhkoostouwin: ahkikihtaw kwayashkwaychikaywin wawhkoostouwina, rispay poor tipayistamoowin pi kishkayistamowin pimipayihtawina, mishawpayin Indigene neekawneewin didawn mawkouhtawin kenawawpaschikawtaywina, pi oushtawniwun kishshinahamakaywin, ashwayistamoowin pi akishoowin.

Itahtow la shmaen si tawpashtawniwun ouschi li oubligasyoon chi-mekihk tou lee deu chi-nishitoustamihwayhk ishi mashinahikaykawshoowak pi chi-ishitoustamihwayhk ooma La zhawnsree sa pishkayimiawin ishi Indigene en partineuz. Li oubligasyoon chikee ahkikin pawsci kinwaysheesh kaw-ati-kishkayistamahk la lesoon pi kaw-oustitikouyahk nashkoumiwaywin ouschi Indigene Li moond.

Ooma Wayashtaywin kaw-pishkapahtuhk La zhawnsree sa atoushkaywin akousheeshi daen rawn ahstayw avek muwnayshkawkaywina pi l'ispree ouschi UN Weestamakaywin avek meena oohin kaw-pimitishahikawtaykihk kishkinohtahikawtaywin si li praensipal:

- ✦ Rispay, didawn lee parol pi kawtoochikawtayk, lee drway di Indigene Li moond chiniishtawinikawtaywa pi kakeestwawmi weestamakihk didawn Seksyoon 35 ouschi Lee lway'd Kenadaw, 1982, pi shimanawchistawhk l'onoer ouschi Kischee-Li Promyee
- ✦ Chi-ashtawniwun larzhawn pi kootak kaw-pishkapahtuhk ishi Indigene en bawnd chi-paminahk kwayashkwaychikaywin weechihiwaywin
- ✦ Chi-ashtawhk en manyayr-oushistawin nakishkamoowin ishi kahkiyuw wawhkoostouwina avek Indigene Li moond

Kinwaysh-ikouhk muwnayshkawkaywina poor ooma Wayashtaywin sa pimoustatawin avek:

- ✦ mawkouhtawin kenawawpaschikawtaywin pamikaywina aykwawnihi oushtawniwun poor ashayhkay kamaenklhk, awawn, pi kishkayistamihwaywin, keeshpin li alawntour nouhtay ashtaw
- ✦ ashaynanamoowin muwnayshkawkaywina ishi Indigene Li moond sa weechihiwaywin didawn mawkouhtawin kenawawpaschikawtaywina
- ✦ zaenproovmawn ashpayimouwin pi shawpwawnawkwanoowin tawnsheeshi Indigene Kishkayistamowin si itayitakwun, kenawayschikawtayw, pi awpihkawchikaywin didawn mawkouhtawin kenawawpaschikawtaywina
- ✦ ashaynanamoowin muwnayshkawkaywina ishi Indigene atoushkayhawkanuk pi kenawayischikawshouwuk daw La zhawnsree, avek ayiwawk ikouhk en nombr di Indigene mashinahikaykawshoowak
- ✦ zaenproovmawn kishshinahamakaywin, kashkistowin, pi ashwayistamoowin ouschi kahkiyuw La zhawnsree mashinahikaykawshoowak chi-kayschinahow pwulisoon pi mitouni emamiyouhk wawhkoostouwina avek Indigene Li moond

OOHIN KAT LI SHMAEN

Yahkikistawin Kwayashkwaychikaywin Wawhkoostouwina

Ooma La zhawnsree sa wawhkoostouwina avek Indigene Li moond pikou ouschipayiwinn ishi nishtawinumoowin aykwawnima Indigene Li moond kee-weekiwak pi kawkeetipayestahk oohin li tayr aven Kischee-Li Promyee sa kayschinahouwaywin ouschi ayikwakunoowin, pi kee-ahkamay nakahtoohkatum poor see indigene li territwayr. Poor ooma La zhawnsree, aykwawnima ouschi Indigene Li moond sa rawr katakoonwin ishi, pi avek lee lway'd sa kenawayschikawtayw nakatoohkataywina, see tayr, wawhkoostouwina pikou mishakawmay pawci natawayischikaywina ouschi di piblik weechihiwaywin.

Ayiwawkistakwun chi-pimoustatahk ooma La zhawnsree sa kakayeshkimiwaywin avek meena anavawn weechiwawhkoostouwin si oushtaniwun pi atimeestaw nawut kiwawhkoostouwina avek Indigene Li moond. Ooma natawayistakwun atoushkaywin tou lee deu mekwayaysh pi awashitay ooma ayishchikataywin ouschi ispray kenawawpaschikawtaywina, pi avek ahkikiwin la lway di piyii, kwayaskwascikêwina, pi koonploon wayashtaywina. Itwaymakun aykwawima niyanawn, ishi nawtamakaywak ouschi Kischee-Li Promyee, miyeu-ashpayimoutoutawak, avek l'onoer, kanawchi-pimawtishouwin, pi miyoutootamoowin.



Li oubligasyoon:

- ✦ Atoushkaywin chi-pimoustatahk kawkakayshkimiway ouschi [Indigene Kawkakayshkimiwaywak La Bonch](#)
- ✦ Oushtawniwun pi shasheepishiwun en partineuz avek Indigene mamowitouwin chi-paminahk tawshkinikaywina ouschi kishkayistamowin pi kishkayistamihiwaywin ouschi li troub pi neekawnayihtamoowina
- ✦ Oushtawniwun pi shasheepishiwun wawhkoostouwina avek Indigene en bawnd, awpachistawn li sawns chi-katakoonawn awashitay ouschi kenawawpaschikawtaywin pamikaywin
- ✦ Atoushkaywin ishi mashinahikayhihk kaw-shapookishkayistumwak-la level neekawneewindidawn itahtow rizhyoon chi-kenawayschikawtaykkinwaysh-iyikouhk wawhkoostouwina avek Indigene en bawnd pi kaw-pishkapahtuhk la promyaenr-nakatoohkataywina pi namoo- nakatoohkataywina ispray mamaawinitowin
- ✦ Yahkouhtaywina chi-kayschinahow aykwawnima peekishkwaywina ouschi daw en grouv vil pi awashitay-daw risarv Indigene Li moond paystawow pi itayitakwun daw La zhawnsree sa atoushkaywin
- ✦ Yahkouhtaywina chi-nishtawinawkwahk pi ashaynanamoowin muwnayshkawwaywina ishi kawweechihiwayhk didawn mawkouhtawin kenawawpaschikawtaywin pamikaywina poor Indigene li Vyeu, li yet zhenn, li zawnfawn, li faem, li zom, aen parsonn kaw-pwawtawishchikayt, pi aen sort-nishtawaymikawaywin pi deu-l'ispree aen parsonn
- ✦ Miyeu weechihiwaywin avek kootak la federal departimawn, enn provayns li gouvarnimaw pi pimawchiwin kaw-ishinakishkamoomahahk chi-natakouhkawtayk li troub kaw-kee-ouhpinamihk ouschi Indigene en bawnd didawn mawkouhtawin kenawawpaschikawtaywina aykwawnima namoo nawut chikée pakoushaymouhk avek pamikaywin di tipaymoowina keema ouschi neeshohkamakayw
- ✦ Oushistawin nakishkamawwaywin ishi mamouwitoohkamawwaywin pi weechihiwaywin avek neu-tretee nawsyoon akousheeshi iyikouhk nishitawinamoowin itahtow si rawr wawhkoostouwin avek Kischee-Li Promyee pi rispay see drway pi nakatoohkatawina, kiko chikée avek atoushkaywina itayimoowin ishi "neekawnapihiwaywin" wiya-ikou ashpayimouwin
- ✦ Oushistawin li plawn chi-kayschinahow kwayashkwaychikaywin mamouwitoohkamawwaywin avek, pi ooma weechihiwaywin ouschi, Indigene Li moond ishi kwayaskwascikêwina, koonploon, pi kishkinoustahiwaywin wayashtaywina



Rispay poor Tipayistamoowin pi Kishkayistamowin Pimipayihtawina

Indigene Li moond kayawsh ashpin ouschi ayowak wiya sa tipayistamoowin pimipayihtawina kiko kee-meena ahkamay ayimen, waychipayik, pi shoochkastaywa daw see territwayr. Oohin pimipayihtawina avek mammawinitoowina pi la lway kiko chikee ihkatayistakwun ishi oushchiyawaywin avek meena lee parawntee kayawsh ouhchi pimipayihtawina ouschi li gouvarnimaw. Kaw-Mamamawitowhk lee koonploon tapishkoot ooma Lee lway'd Li Promyee Nawsyoon natounem chi-mayshchinatikawtayk oohin itouwahk ouschi tipayistamoowin pi oushistawniwun pimipayihtawina aykwawnima nishitawinamoowin kee-ishipimawchihounawniwun ouschi aen nitrawnzhee. Kaw-pishkapahtuhk oushkayiwun nawsyoon-ishi-nawsyoon, li gouvarnimaw-ishi-li gouvarnimaw, pi Inuit-Kischee-Li Promyee wawhkoostouwina, ooma La zhawnsree pikou chi-nishtawinam pi rispay Indigene pimipayihtawina, avek kaw-pishkapahtuhk koucheewina di Indigene en bawnd chi-ashtawhk oohin pimipayihtawina ishi mawkouhtawin kenawawpaschikawtaywin pamikaywina.

Indigene Kishkayistamowin nishitawinamoowin si rawr kee-ishipimawchihounawniwun, la lawngaezh, la valeur, li tawn'd kayawsh, tipayistamoowin pi kwayash pimipayihtawina ouschi Indigene Li moond. Aykwawnihi en plass-ouschipayiwun, ouhpikouwina, pi waychipayik. Ooma La zhawnsree nishtawinam li valeur di Indigene Kishkayistamowin ishi mawkouhtawin kenawawpaschikawtaywin, pi aykwawnima yakhkouhtaywina pikou chi-outinikawtayk chickenawayhchikawtayk Indigene Kishkayistamowin itayitakwun keemooch ouschi aka-pakitinikawtaywin chi-wawpaschikatayk. Oushtawniwun kaw-miyeu ashpayimou pi mamawi wawhkoostouwina avek Indigene Li moond ooma chi-weechihikow ooma La zhawnsree sa oushtawniwun pi kenawayschikawtayk wiyashtaywina si nissisayr poor Indigene Kishkayistamowin chi-awn pawr keemooch pi kwayashkwaychikaywin itayitakwun.



Li oubligasyon:

- ✦ Awpachistinaniwun kahkiyuw awpachischikana ishi La zhawnsree sa pimoustatawin kaw-pishkapahtuhk pi kaw-paminahk weechihiwaywin ouschi Indigene en bawnd ishi mawkouhtawin pi daw li piyee kenawawpaschikawtaywina ishi tipaymouwin ouschi see lee lway, nakaayashkumowina, pi pamikaywina. Yakhkouhtaywina chi-mahkwatinikawtayk muwnayshkawkaywina ooma La zhawnsree sa pamikaywina ahpou itikway chikee itochikemakan
- ✦ Miyeu weechihiwaywin avek Indigene en bawnd to chi-kayschinahow ooma shawpou pi kwayashkwaychikaywin itaystamowin di Indigene Kishkayistamowin didawn mawkouhtawin kenawawpaschikawtaywina pi avawn-disidee iskoyikouhk
- ✦ Wawpaynikaywinavekneeshouhkamawkaywukchi-kayschinahoway-atoushkamakahki avek Indigene alawntour chi-kaykinikawtayk Indigene Kishkayistamowin
- ✦ Miyeu weechihiwaywin avek Indigene en bawnd chi-kayschinahow ooma shawpou pi kwayashkwaychikaywin itaystamowin di Indigene Kishkayistamowin didawn nakishkamawkaywina pi li piyee kenawawpaschikawtaywina
- ✦ Shawpounawkoushiwin didawn pamikaywina pi klair tawnsheeshi Indigene Kishkayistamowin si aykwawnima itayitakwun didawn mawkouhtawin kenawawpaschikawtaywin pi il i disidee-oushtawniwun
- ✦ Chi-kayschinahow kipamikaywinanawa kee-ishipimawchihounawniwun il i pat dawnzee pi chikee kawschititikawtayk, akousheeshi Indigene Li moond paray itayhtem ishpee kaw-awn pawer sa kishkayistamowin
- ✦ Mishawpayin peekishkwawtamowin pi mamouwitoohkamawkaywin nakatoohkawtaywina chi-kaykinikawtayk nakawayashkumowina tipayistamowin pimipayihtawina pikou ishpee kaw-natawayistahkwahk




Mishawpayin Indigene Neekawneewin didawn Mawkouhtawin Kenawawpaschikawtaywina

Ooma La zhawnsree chi-natounem chi-kwayshkina ouschi shakouchihiwaywin en niddi ouschi kawkeetipayestahk “pawsci” ishi kawkeetipayestahk “avek” Indigene Li moond. Ahkamay awnkourahzee Indigene en bawnd chi-miyeu weechihiwayhk avek La zhawnsree chi-paminahk en parchee’d kenawawpaschikawtaywina pi chi-mawchistahk Indigene-neekawneewin kenawawpaschikawtaywina. Oohin weechihiwaywin kochiwahpatahiwaywina kaw-pishkapahtuhk awashitay ouschi shakouchihiwaywin pimipayihtawina di tipaychikayiwn kischaymouwin ouschi rispay Indigene Li moond see drway ishi wiya-ikou ashpayimouwin, avek wiya-ikouhk-li gouvarnimaw.

Chi-ashtawhk ooma Wayashtaywin didawn en manyaer aykwawnima ahkamay avek weechiwawhkoostouwin pi ooma UN Weestamakaywin itwaymakun awashitay pawschi ooma Nahkatwayihtumowin ishi Peekishkwawtamowin pi awnbrasee neeshouhkamakaywin pi kaw en partineuz avek Indigene Li moond didawn kawpaminuhk kiyawaw kiweekinow. Ooma aenportaan yahkouhtaywin ikaw-oushtahk oushkayiwun nawsyoon-ishi-nawsyoon, li gouvarnimaw-ishi-li gouvarnimaw, pi aen Niskimoo-Kischee-Li Promyee wawhkoostouwina.

Li oubligasyoon:


- ✦ Natouna la parmisyoon weeput ouschi Indigene en bawnd ouschi mawkouhtawin pi li piyee kenawawpaschikawtaywin pamikaywina
- ✦ Kaw-pishkapahtuhk mamawi wawhkoostouwina pi Indigene-neekawneewin nakishkamoowin chi-paminahk kenawawpaschikawtaywina
- ✦ Miyeu weechihiwaywin avek Indigene en bawnd chi-kaykina, didawn mawkouhtawin pi li piyee kenawawpaschikawtaywina, ka ishpaihk ouschi Indigene-neekawneewin kenawawpaschikawtaywina, kayschinahouwin aykwawnima nishitouschkawtaywa didawn la federal li gouvarnimaw sa il i disidee-oushtawniwun pamikaywin
- ✦ Atoushkaywin chi-kaykina Indigene nakatoohkatawina, nawashoonikaywina, pi ayishchikataywin itaystamowina didawn li plawn kaw-oushtahk pi pimoustatwin ouschi La zhawnsree-neekawneewin kenawawpaschikawtaywina pi wawpahchikawtaywina pamikaywin
- ✦ Pakitinamoowin li sawns poor Indigene en bawnd chi-weesta kishkayistamihwaywin ishi la federal li gouvarnimaw il i disidee-oushtawniwun pamikaywina pi li dokumawn
- ✦ Pakitinamoowin ayiwawk takoowin di Indigene en bawnd didawn Avan Disidee aykwy-ikouhk ouschi mawkouhtawin kenawawpaschikawtaywina



Oushtawniwun Kishshinamakaywin, Ashwayistamoowin pi Akishoowin


Ooma La zhawnsree tipayimow chi-oushtawniwun pi kenawayschikawtayk atoushkayhakanak aykwawnima nishitawinamoowin nanatohk li moond di Kenadaw. En parchee'd ooma ahkamaymouwin, ayiwawk pi pishkawpahtamoowin koucheewin chikee itouchikawtayk chi-kayschinahow Indigene Li moond namoo pikou nishitawinamikawshouwak daw La zhawnsree, mawka chi-mooshihoow ay-kaykinischik pi pishkapahchikawichik ishi mashinahikaykawshoowak. Ooma itwaymakun oushistawniwun nakishkamawkaywina aykwawnihi pikounem muwnayshkawkaywina kaw-ouhtishkaweeskam Indigene Li moond chi-natouna, kawchitinam pi kenawayistam atoushkaywin daw La zhawnsree. Meena itwaymakun ahkamay natounamoowin li sawns poor atoushkayhawkanuk pi atoushkaywin ahkikiwin—chi-pimatishimakuhk La zhawnsree sa ahkamaymouwin kaw-ayawhk weeyoutishaymakunoowin atoushkaywin en plass aykwawnima kischeetayistam pi kaw-pishkapamayw kahkiyuw mashinahikaykawshoowak.

Kootak kischee kahkwuy kenawayihtakooshiwin kaw-pishkapahtuhk, pwulisoon pi akishouwin atoushkaywin en plass si aykwawnima nawut zaenproof kee-ishipimawchihounawniwun kashkistowin pi chi-nakatoukawchikawtaykihk paakwachikaywin, kitimahiwaywin pi/keema kawpeewayimikuwiyahk mekwayaysh La zhawnsree. Ooma pawsci mouschi miyikawshouwin kishshinamakaywin. Kaykinikawtaywa la sort itayimoowin poor chi-oushtawniwun wawshakawsyihk itay mashinahikaykawshoowak nakishkawtamwuk peetoushi Indigene kee-ishipimawchihounawniwun shaytoutamoowina, la lawngaezh, li portray kaw-mashnipayihthak pi, itay nahiyikouhk, daw latayr kishkaystamoowina.



Li oubligasyoon:

- ✦ Pimoustatawin ooma La zhawnsree sa Atoushkaywin En balawns, Peetoushi nishtawaynikashoowin pi akishoowin Nakishkawnouwawn En plawn didawn neeshouhkamakaywin avek Indigene mashinahikaykawshoowak
- ✦ Mitouni pimoustatawin ooma nakishkamawkawwin kaw-mashnipayhwawt didawn [Mischayt Peekishkwaywina Payyek Mimwayr : La shmaen ishi Weechiwawhkoostouwin](#) ripor—kikoitayimoowin ishi chi-nakatoukawchikawtaykihk muwnayshkawkawwina pi muwnayshkawkawwina kaw-ouhtishkaweeskam Indigene Li moond mekwayaysh li Piblik la Service—pi awpachistawin La zhawnsree sa Indigene Atoushkaywin Paminikawtywin kaw-pishkapahtuhk ooma atoushkaywin
- ✦ Ahkamay avek ooma [La Vayritee pi Weechiwawhkoostouwin Peehkishkwayshtamakaywin sa Taypwachikaywin ishi Nawkatahkawtamouwin 57](#), kishshinahamakaywin kahkiyuw La zhawnsree atoushkaywuk, avek kaw-shapookishkayistumwak paminamikaywin, chi-atimeestaw sa ashwayistamoowin ouschi Indigene Limoond, sawawhkoostouwin avek Kenadaw, pi sakishkayistamowin pimipayihtawina pi kee-ishipimawchihounawniwuns. Kishshinahamakaywin chikee avek, iyikouhk si posib, peekishkwawtamooowina oushtawniwun ishi atoushkaywina ouschi ispray atoushkaywin
- ✦ Awnkourazhee Indigene kee-ishipimawchihounawniwun pi la lawngaezh, pi kaw-pishkapahtuhk Indigene lee business daw La zhawnsree, avek nakishkamouwin, keeshpin aka oushawmi, Li Gouvarnimaw di Kenadaw pakoshayimoowina poor kawschitinamoowin Indigene la business, avek meena pakitinamouwin weehstamakaywina awpachischikana aykwawnihi nawut ayiwawk Indigene peekishkwaywina



Pimoustatawin

Mamawii atoushkayhawkanuk di mashinahikaykawshoowak flout bor La zhawnsree chi-oushistawniwun oushistawin achiyow-, li miljeu-, pi kinwaysh-ikouhk nakishkawnouwawn en plawn chi- kishkinohtahikawtayw mashinahikaykawshoowak pi kawpaminuhk pimoustatawin. Ooma ayshpischawin ouschi nakishkawnouwawn en plawn chi-iyatistam li piyee lee vayritee pi kishkaystamoowina, avek meena ispray ayndawayishchikawtaywina ouschi La zhawnsree seksyoon pi peeshkaytashtaywina.

Itoutaymakunouwina

Ishi en pawr ooma nitatoushkaywininawn chi-kashkihouyahk li oubligasyoon, ooma La zhawnsree chi- ahkikihtaw tou lee deu mitouni shawpou pi kwayesh awnfors lee miseure. Ayshkamoowin chikee pishkawpahtaniwun pi kochiwahpatahiway daw too lee zawn ayshkam ripor, mawchistawin ishpee 2024-25 manawchischikayhk too lee zawn.

Nashpitawkawniwun

Ooma Mawkouhtawin Kenawawpaschikawtaywin la Zhawnsree di Kenadaw (la Zhawnsree) kee-atoushkawstaem avek Indigene-tipayistaminaniwun li koonpayeen chi-oushistahk ooma kaw-mashnipayhtahk tapashinahitawtaywin ouschi Weechiwawhkoostouwin Wayashtaywin. Ooma en alimael-ateeshkeew patroon kahtinayw kischee itouwahk ouhpikistowin kaw-kistayihtakooshichik ishi Indigene Li moond lout bor Kenadaw maenkwawt kaw-pimouhtaystahk kisteyihchikawtaywina ouschi li tayr, layr, pi diloo. Awpataniyawa chi-kishkishimikouyahk ouschi wawshakawmihk natamoushtawkaywin kaw-pimoustatayahk kitatoushkayinaw. Ooma koleur payaes nishtawinawkouhkayw weeyoutishaymakunoowina ouschi li moond lout bor Kenadaw pi avek aen cheezoon di koleur, natamoushtawkaywin en morsou'd feu. Ooma kouvayr mashnipayikaywin ihtakouw aen poo ishi en roun itashinihikataywin. Aykwawna pishkawpamischik li alimael avek ayakashkawa-wawshakawmihk natamoushtawkaywin, awa aen poo kishkishoumikounaw kimamawi-ahkamaymoowinaw ishi chi-awpachistaniwun ooma Weechiwawhkoostouwin Wayashtaywin pikou itay kaw-atoushkayahk lout bor Kenadaw, maenkwawt en roun itashinihikataywin natamoushtawkayw kitanishkougoumohchikaninwaw pi katakoonwin ouschi kahkiyaw pimawtishiwin.

